

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski načelnik-

Broj: 07-5003/15

Datum, 23. 12. 2015. godine

Na osnovu člana 25. tačka f), i člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 2/15) i čl. 38. i 118. Statuta općine Srebrenik („Službeni glasnik općine Srebrenik“, broj: 1/08), Općinski načelnik, d o n o s i:

O D L U K U
O IZBORU NAJPOVOLJNIJEG PONUĐAČA

I

Prihvatljiva ponuda za **Izvođenje radova na rekonstrukciji ceste Krušik-Kovačevac u Podorašju-Jasenica** po otvorenom postupku je ponuda dostavljena od ponuđača **JATA GROUP DOO Srebrenik** u ukupnom iznosu od **109.665,03 KM** (sa PDV-om).

II

Ponuđač je dužan u roku od **7 dana** od dana prijema ove odluke, dostaviti dokaze po članu 45. stav (2) Zakona o javnim nabavkama i original (ovjerena kopija) izvještaj centralne banke koji je dostavljen kao kopija u ponudi.

O B R A Z L O Ž E N J E

Na osnovu otvorenog postupka broj: 07-5003/15 od 30. 11. 2015. godine, objavljenom na Portalu javnih nabavki, obavještenje o nabavci br. 761-1-3-105-3-51/15 od 01. 12. 2015. godine i "Službenom glasniku BiH" broj: 93 od 07. 12. 2015. godine, proveden je postupak prikupljanja ponuda za javnu nabavku *Izvođenje radova na rekonstrukciji ceste Krušik-Kovačevac u Podorašju-Jasenica*.

Ponude po otvorenom postupku za predmetnu nabavku su dostavili sljedeći ponuđači:

1. JATA GROUP DOO Srebrenik, u ukupnom iznosu od 93.730,80 KM (bez PDV-a), i
2. ARAPOVAC PUTEVI DOO Čelić, u ukupnom iznosu od 88.993,15 KM (bez PDV-a).

U prvom dijelu rada Komisije, konstatovano je da su, blagovremeno, pristigle dvije pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dokumentacije za kvalifikaciju, u cilju utvrđivanja da li su dostavljeni svi traženi dokazi i da li isti zadovoljavaju zahtijevane uslove.

Pregledanjem ponude ponuđača **JATA GROUP DOO Srebrenik**, Komisija je konstatovala da je ista potpuna tj, da su dostavljeni svi dokazi za kvalifikaciju i isti zadovoljavaju zahtijevane uslove, i prihvatljiva je za daljnje razmatranje.

Računskom provjerom nisu utvrđene računске greške.

Pregledanjem ponude ponuđača **ARAPOVAC PUTEVI DOO Čelić**, Komisija je konstatovala da ista nije potpuna iz razloga što ponuđač u ponudi nije dostavio *potvrdu izdatu od strane ponuđača o radnom iskustvu za dipl. inženjera*, a kako je propisano u tački 12.5. (tehnička i profesionalna sposobnost) pod b) tenderske dokumentacije.

Kako ponuđač **ARAPOVAC PUTEVI DOO Čelić** nije dostavio potvrdu o radnom iskustvu kako je traženo u tački 12.5. pod b) tenderske dokumentacije, komisija je konstatovala da se ponuda ponuđača odbacuje kao neprihvatljiva.

Pregledanjem finansijskog dijela ponude, Komisija je ocijenila da je ponuda ponuđača "JATA GROUP" DOO Srebrenik prihvatljiva, te je predložila Ugovornom organu da sa istim zaključi ugovor, a koji se odnosi na javnu nabavku **Izvođenje radova na rekonstrukciji ceste Krušik-Kovačevac u Podorašju-Jasenica**, u ukupnom iznosu od 109.665,03 KM (sa PDV-om), što je i prihvaćeno.

POUKA O PRAVNOM LIJEKU:


Protiv ove odluke može se izjaviti žalba u roku od 10 (deset) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.



OPĆINSKI NAČELNIK

Dr. sci. Nihad Omerović